

淵雅堂全集

淵雅堂編年詩藁卷三

長洲王芑孫念豐

壬寅

元宵試筆二首

醜梅撐瘦蕙抽肥花信攬先一瞥飛煎餅頌椒多過了

燒鐙時節換春衣

驟暖如三四月氣候

輕塵短夢六年餘依舊梅花伴索居月色鐙光無恙在
畫闌風意似當初

山塘二首

不論乳燕與嬌鴉總向山塘作住家好夢一春無處所

因風吹上碧桃花

名花生命兩相俱盼到新晴總綠蕪半塢夕陽唳鵲鴿
畫中樓閣女簫孤

花前偶作

芳信闌珊到鼠姑百年心事玉箏孤新鶯穉蝶嬌無數
各各看人成老夫

題仲弟聽夫

翼孫

閩游草後二首

游草緘來方便刪織簾南檻課餘閒池塘未有生春句
夢落仙霞嶺外山

機雲還要賦齊名

庚子示弟有機雲何必賦齊名之句

癡弟居然肯繼聲

我已談詩瘦爾許如何塗抹又如兄
來詩有阿兄多病緣詩瘦弟妹嬌癡

更可憐之句

東飛伯勞西飛燕歌二首

東飛伯勞西飛燕人心不同似其面男兒得官自然好
女嫁嫌遲不嫌早誰家窈窕臨春風羞顏小膽花惺忪
敦詩持禮愛良時銀牀孤夕吹參差參差吹斷天如水
身浸月華瘦春指曉烏夜夜屏風曲蘭館葳蕤澀銅綠
早知時世好新妝肯寫雙蛾問短長雄鳩媒雉誇毛羽
嚼雪含冰念古處阿儂自道是芙蓉不託芙蓉不願通
伯勞飛東燕飛西世間苦樂不可齊邯鄲才人嫁厮養

珠柱銀箏抱清想東家阿婆賣婀娜濶抹濃塗自言可
懊惱韶年等閒度愛惜肌膚浴香露歲歲殷勤護臂紗
仙壇幾度掃瑤華春風吹我雪羅襦花房含瓣紅生鬚
風前理曲語如絃心香化作鴨鑪烟誤讀周南不會悔
併上相思續紅淚珠玉爲心待君子蝴蝶烟中抱香苑
擬晉白紵舞歌辭二首

雲屏爛汗銅壺長主人更衣客登堂前簾後匏琴瑟張
左右夾侍紅鴛鴦蘭羞方丈陳雕觴清哇妙舞羅名倡
舞態拉沓喜無方翩哉踏虛起如望乍低旋仰勞抑揚
龍鸞宛轉惡可詳意外一顧盼流光喜心倒極盼所當

大家歡樂壽福慶
苧蘿山前浣紗娘
采絲采葛心商量
漚以若邪溪流香
明月紉佩烟拖裳
裁作美人身上霜
霜華沈沈曲未央
簾外月白天蒼涼

遷延未已何搖搖
簇部迭奏差珠翹
垂手聯臂仍迴腰
莊不端正冶不佻
長裏孤舉如相招
擊手迅逝不可要
雙跌冉冉春綿嬌
紅膚中單汗著綃
收顏跪進擎蒲萄
鳳盤麝火堆豹膏
爛爛星斗迴其杓
昌哉斯世富且饒
坐中賓客志意銷
大樂心醉誰能驕
橫烟隔霧焚蘭椒
翡翠帳烟中交罷
舞遞侍親良宵對
君自解羅裙綠
雄雞失旦忘三號
東方日出天高高

擬顏延年宋郊祀歌二首

昊綽圓覆錫我寶符烈祖仔統神孫踐圖冠宇帛宙孕
軒孳虞殫祥罄瑞刑瘠德腴我文雲屬我武風俱皇提
其紐帝旋其樞八蠻囊括九服琛輸階奠歲換壇藎宵
鋪有雌盤鼎有鳳銜壺殷薦穆若望祠太虛

帝惟父天誕天厥父唐哉攸矣始春報祐缶孚降監卣
禋陟舉淳意醴交德輝蕭吐鴻臚秩班鸞韶鏘部水辰
淵映坎崇井聚攀星挂旗招月伏斧螭命先庚昌期中
午祝孝嘏慈帝錫祖予迓釐無疆翼此景緒

擬江淹鳳皇銜書伎歌辭

皇耆扶統世壽昌丹書降霄鳳攜皇靈之聖之神所慶
妙伎寫德霞翦裳孫綵子翼金繩長

擬江淹祀先農迎神升歌

銅轡疇臨珠旂耜參薰風琴北卿月俾南千袞綠舉萬
粒黃畱農嬉歆饗豐澤遐覃

擬饗神歌辭

玉烟上燎金支下壇回黃轉綠宵民慰安

擬李長吉天上謠

虛皇押敕雲朶紅集靈夜宴蓬萊宮厨神洗手包鸞雛
脯麟生屠血模糊金烏銜燭不敢徙青鳥西來獻桃子

常儀捧藥侍雲屏女牀挑瑟聲嬌癯投壺一笑作雨雹
贏得瓊塵不能斛酒融天乳勞天神辛苦青天種星熟
王良造父醉失辭奏言房駟新生角及時行樂酌美醕
天上人間默同語月烟黃黃日烟紫碧樹雞聲不吾與
杓取湘流洗銀漢昨夜秋墳葬河鼓臣賀待罪白玉樓
小言寫進逍遙游願皇億萬爲春秋臣賀騎鶴屋滿籌
南極老衰拜難起俯伏上壽千叩頭

遙和昭信公新春雨夜棋罷聯吟之作

森森兵衛護香清石榻敲棋燭換檠客有兩三同脫屣
心無勝負不懸旌虎符未報登壇信鶴夢時驚散局聲

聞道先春詩思發收枰賭句又三更

齋中讀書作

拙生畏涉事所得讀我書心囂境無寂跡定氣益虛晨
簾列羹鼎暑榭隱竹梧雖無青玉案聊有白屋居懷哉
古作者辛苦餉遺吾蘭釭夕介紹送抱兩不孤意甘入
無苦功疾出以徐弱懷健增輔惑慮伸就愉并無千秋
見而况三公餘似聞食肉鄙不信味道癯陳篋慎疊疊
躡躡良區區

虞勛之

敏

萬山策蹇圖

石犖确山嶽嶽吁嗟性命蹇執之山嶽嶽石犖确歸併

精神入蹇足川狂谷狠縱復橫地形起伏天陰晴兩間
塊壘有如此行人胷次難爲情虞生胷次涵今古史事
瀾翻舉枚數可憐爲人好心事偃僂蠻言拜蠻府棄歸
裘具輕於葉羞澀錢囊已先竭小奚背上詩囊重囊底
滇山萬千疊手示新圖要作詩爲說平生久涉獵縛袴
塵中二十年南投六詔朔三邊臂鷹射虎夸身健欲與
祖逖爭先鞭男兒壯大無所爲未免顛倒生奇懷長安
再上不中第看人肥馬當風嘶一官萬里試烟瘴八騶
可致良無時却將身世付一蹇徃徃蹈險爭豪釐不如
歸臥橫塘上腰笛自買啡牛騎生言雖好勿重陳勸生

再出趨王程當今

聖人握金鏡吏部資敘無拘論大才小用豈終已結知
倘沛非常恩生言蹇足不萬里不見地上行騏驎

題張景謀

詩

杏花春雨圖和芝庭先生韻

春風十日催春樹紅到深邨嫩陰護相思新夢曉如烟
昨夜仙人隔江渡渡頭消息颺青帘當鑪鬢影坐閒簾
銀鞍馱入深紅公乘興何辭席帽霑阿儂少歲辭瀛海
賦擬張融筆張載酒痕狼藉印衫痕幾度魚牋醉中灑
惆悵尋芳年復年珊瑚掬盡祖生鞭不如眞買雙菱角
相伴花前中酒眠

偕沈芷生赴試崑山述懷四首

累試誠何得相隨又此行詎聞魁等第足謂士聲名意
氣從來盛疎狂意外成不煩頻見譽

此見譽如國策田單所云粗解

重生平

每下何妨下招尤願寡尤憂虞增學問文字誤交游觀
世神干變論心佛一流畏人常避事豪宕近全收

歲歲春糧去吾生未有涯驚心幾儔侶回首好年華老
硬松分粒蹉跎桂欲華憐君久徵逐今昔倘同嗟

夢已繁華破心仍得失搖雞蟲頃刻鸞鶴總雲霄斯
道還吾輩端居負

聖朝向來求舉意非止厭簞瓢

報景書常西寧來札

問訊賢公子多應幹濟勞詩將邊月到書就塞雲高
暇日勤餐飯中年足羽毛長卿秋雪句勿厭示吾曹

志雪

驚牖意外逗簷滴披衣出前庭瑤華淨堪拾臘
前有如是兆稔兼黍稷自忘樂歲飢失喜動顏色平生
憂樂心無田乃逾殖殷勤謝滕六辛苦謹天職似聞多
田翁米賤增私戚嗚呼銅沛飢直逮江以北雍豫屢偏
災黃河未底績使者仰屋梁制置勞輓給

賜復與

賜租不住見

朝敕吾鄉獨何幸連年絕蠹螭農夫終歲勞輸課漕京
國農司有條目浮取愼顆粒如何久呻吟尙困吏培克
惟天實憫之錫此萬圭璧縣官方具狀報瑞急時刻小
人敢越畔竄糲祝飽喫未論飢溺懷所快易請糴

吾弟

時弟從昭信李公
渡海有事臺灣

吾弟平安否君侯近若何穴爭同螭蚌海信隔蛟鼉才
力飛騰在傳聞謬誤多相將愼忠愛早晚定風波

癸卯

春朝試筆十首

開正三日卽東風春在寒流積凍中思發花前花更早
水仙幾盞綠叢叢

花前讀畫燭雙紅題字旁行墨太豐多謝殷勤祝如意

本無何意著胸中

陳子展先生寫
贈春朝如意圖

偶然能事便名家水墨中間寄一涯古木寒巖趣蕭瑟

畫屏點點畫昏鴉

子展又贈煙樹歸鴉
一幅其得意筆也

新年留客共從容竹屋深談日下春如我合稱清絕否

蠟梅相伴過三冬

是日青
城見過

去年今日拓牕紗花信攬先爛曉霞暖便暫開寒暫住

不煩頻數慰梅花

依然禪榻待朝曦
橘酒遙知仔細溫
如此過年良不惡

只嫌還少鶴看門

除夕往訪彭尺木先生叩門久之無應者

聖氣踈踈血色寒
誤將忠孝作奇觀
吾儕不合同驚訝

只當彈絲吹竹看

開仲攜示所藏周忠介公子茂蘭崇禎元年松寬血疏及黃孝子向堅萬

甲尋親圖二冊暫留小齋尺木以書借觀且曰歲行盡矣借此冰雪寒光作小牕清供殊勝彈絲吹竹

一意千秋石執如眼中
餘事不關渠託言
賀歲論文坐

自賀新成幾部書

長筵東來我所望
裹糧莫厭暫治裝
篷牕好共聽春雨

一路論詩到暨陽

時方待開仲來同之暨陽

布帆無恙倚乘潮消息難眞睇望遙正是養花天氣了

歸來和我種紅蕉

弟聽夫自閩中寄紅蕉花子而未得其種法時弟方有事臺灣久無消息

江陰道中船窗看雨感興獨題三首

人日梅花落滿林孤吹鐵篴到江潯載將船背三更雨
來聽濤頭萬鼓音驚世文章空爛漫得天草木暗森沉
春申墳下誰澆酒一種傷心對晚陰

當時同輩各翩翩此日相思竟惘然乘興黃泥曾一過

勝因飛絮又三年乞漿記有人如玉霑醉重來夢似烟

多恐小桃花落盡花前吾已入枯禪

調辛丑來謁彭芸楣先生因與諸子

同過黃泥莽事

芙蓉江畔趁潮時小艇衝寒有所思連歲獨懷門客刺
新年偏失酒人期開仲芷生皆失約不至傷春水上風仍阻懷舊
花陰雨到遲興盡自嫌投謁倦圍爐燒燭獨題詩

許墅關書所見

許墅繁華地家家春帖紅市聲千屐雨人語半帆風稅
關愁關吏裘輕快柁公閒鷗獨何意翹立暮寒中

雨夕葦居自寫

雨勒寒威夕漏長一燈孤坐竹閒房愁中芳草烟橫路
夢後梅花雪滿堂粥飯似僧惟少盃衾裯如客罷熏香
傷春傷別非無意容易人間解斷腸

書意

傷春傷別廿餘年幾欲修行懺法筵才子迴頭多是佛
美人彈指各成仙翻風荷葉珠爲露鋤雪藍田玉未煙
吾有圓蒲無恙在豈應祇結畫中緣

謂舊繪蒲團小影

和酬彭尺木

紹升

見贈四首

藏園才大轉清深風雨冥冥海上琴那可箏琶間疏越

況將裋褐比華襟

尺木過譽以鉛山蔣心餘太史爲比

卷中無恙薛香聞珍重生前冰雪文不是流傳煩死友

義山寧識杜司勳

薛香聞孝廉起鳳能詩中年謝世雖同里間未相識也尺木刻其遺藁今

示以見

相知雖晚夙生因絃外環中感意真分我祇林香一瓣
山茶紅逗雪中春

俳詞隨世作咿嚶發覆剛逢最勝流天下名山三百六
要尋高處看清秋

落燈夕坐雨四首

春泥塞巷一旬餘凝伴熏鑪索寞居梅信縱遲花自好
不會孤負試燈初

玉霄圓月幾時升上界神仙未可憑卻向落鎗風裏坐
小牕聽雨護銀鐙

清臞翻羨鶴形肥絮已沾泥故故飛只怕清修彭進士

天花也著水田衣

雲酬雪倡意何如都只溪前屋後居倦僕衝泥忙不了

一封封是論文書

比與子展尺木倡和往反稠疊

雨雪不成夜坐聞鬼車烏作

凝雲戀雨撥不開掃晴仙檄飛蓬萊蓬萊誤署關滕六
浪費瓊塵幾千斛白鳳嬌寧未肯飛捎林點水空罪罪
寵柳嬌花凍無數墨雲漲天隔春路春陰沉沉春漏賒
鬼伯夜喜脂其車忽然有聲鬼口呀鬼馬醫樹踏老鴉
嗟哉雨師奉天職未可久滯爛新麥爾車速行住不得
雲外羲和捧紅日

敬次先文恪公集中玉延亭看菊暨送趙栗夫歸
省吳江二詩韻奉柬開仲兼示令子嶽青

齊嶧

二

首有序

開仲爲明廣東按察使栗夫先生之後按察爲吳
文定公門下士與先文恪同翰林相善其倡酬之
作互見集中予五世祖母實開仲之高祖姑蓋自
先尙寶太常光祿以來兩家世相好矣不然何申
之以昏姻也昨年九月開仲翩然來爲老人壽信
宿荒齋追談舊事玉延亭者文定之所居也看菊
之集文定爲主而按察文恪爲之客一時名輩蔚

有篇章今文定後裔不可問予與開仲又皆貧賤
不振有足慨者然三百年後兩家子姓再聯文字
之遊松楸無恙祀事猶存雖名位去先人遠甚而
猶能讀先人之集相與愧厲奮發可不謂幸乎今
茲正月期開仲不來爰有此寄開仲於予爲中表
父行所居相距不二百里中間久斷還往莫悉所
繇自予與開仲以志業相得又六七年始克考知
乃叙始末書一通歸之以爲異日子孫之舊

勝朝門望各清華往事雲煙述兩家題墓尙餘心鄭重

按察公之葬
先文恪爲誌

遺詩重觀墨欹斜

先文恪送按察歸省
詩墨迹尙存開仲家

全

荒橋俸黃千樹

子家洞庭舊業悉已蕩盡

無恙鶯湖綠一涯

閒仲向居鶯脰

湖上爲問玉延亭畔路夕陽衰草不勝嗟

何妨卑伏看高飛共守緇塵未浣衣
中表輩行憐我小至交規切似君稀
傳家事業惟詩穩閱世心情向佛依
慧業豈無歸宿處半生流浪好同歸

二月三日夢作詩醒記十字曰午風湖上路一月
畫中山殊不可曉比吾友芷生當就浙江學幕因
足成一律送其行

歌版鶯隄外鐘魚猿洞間
午風湖上路一月畫中山興
發詩先到心空夢亦閒
君行得佳勝遲我共躋攀

與沈芷生

清瑞

同赴江寧鄉試石執如

韞玉

自崑

山縣齋寄詩相送作此奉酬

使星南下省門開會有飛騰冠古才同輩早爲青選去
鄙人還著白袍來窮魚屢掉登龍窟病馬空嘶市駿臺
多謝故人敦勸意欲教蘇蠶起驚雷

附送王念豐沈芷生赴省試

吳縣

石韞玉

執如

驂騑道路逐風開籍籍江南兩秀才鎖院且看三戰
後星輶遙自九天來王褒妙譽騰金馬沈約清詞付
玉臺卻喜眼中人未老龍門齊躍浪如雷

秋懷十二首

良時常苦雨高臥又秋風出處從誰卜榮枯聽至公文
情唐宋外心學佛仙中陋巷歌聲在清寒抱始終
未敢論忠孝能無身世心二親將白髮累舉尙青襟衣
食資彈鋏咸韶入鼓琴露蟬良自飽何事更啼林
有弟從軍府邊情亦自豪虎聲三塞狎龍氣

五陵高書札經時覓章箋早歲操依人總南北憐爾馬

蹄勞

仲弟從昭信李
公客馬蘭峪

兒女緣如夢翻教悔早昏死猶遲馬鬣生不責魚軒涇
鏡餘陳迹懸棺滯旅魂何時鐫一碣酌酒向郊原

謀葬
亡妻

累年終
未得地

當代持風氣何人第一流諸公宜自愛吾地有前修科

第今方盛經綸古亦優鴻遵頻在陸非必稻梁謀

因讀洞庭賦

先文恪有洞庭兩山賦

長謠祖德詩世家寧宰相墨

義且人師間氣鍾非偶迴瀾或有之西風吹震澤波浪接天池

雪涕范喬硯傷心詒翼謀諱辰周十度

爲今七月二十日爲先大父十周

忌家祭及三秋江國虛祠屋楞伽副首邱

先大父爲宣城教諭病革

請告不待報而歸去官之日人士設主學

官旁舍供奉香火甲午冬營葬楞伽山塢

期望竟難酬

摧殘驕氣盡踈拙靜功便敦勉乘時志殷勤命世賢長

貧孤贊許餘恨負嬋娟未老難稱逸滄江愧曉眠

三間懸磬室一穗讀書燈蛛網捎斜桷蕉花映幾層英
華誰得掩羅織爾徒能觀物常多感行藏自撫膺

悵望青雲士同時不數公名門有才子法苑得英雄

謂彭

尤初絕業能肩重危言肯擊蒙此心滄海日中夕一輪

紅

雄獨才難得知交信有神二汪

謂汪大紳縉明之元亮

皆作者牆

壁老斯人識字能文後參禪應舉辰俊賢多不達吾敢

歎沉淪

溫卷曾無及槐花竟已黃韓歐科第出鼂董國家望黜

落忘羞恥規模拙揣量揚舲渡揚子一看怒濤強時將

寧鄉試

與芷生赴鄉試舟行鎮江道中有懷景大書常茨

史二仲芬善長因與芷生聯句作四十韻時景在

西寧史在邠州景由西寧北應順天試

鄣部黃雲裏長洲王邠州黑水邊兩生皆作者長洲

瑞芷一札動經年非意逢哀樂芭孫離居感後先景差

詞賦敏清瑞史起藝能優俳體工因熟史善為四六棋

情癖未蠲景好蜚騰俱有氣清瑞磊落式無愆草草臨

岐語芭孫雙雙贈遠篇分頭悵天各清瑞屈指過程千

書記清時賤

史之尊考病歿邠州幕中史往奔喪

監司大郡專

景以尊甫

觀察西寧往脩省觀

奔喪星趣駕

清瑞

修觀電隨鞭軒豁交期在

芭孫

蒼黃別緒牽官高公子貴

清瑞

客死藐孤孱廻紇

新傳箭

芭孫

敦煌舊控茲軍威伸白日

清瑞

妖孛掃青

天

時回匪甫平

板屋三邊外

芭孫

潼關六扇前據鞍心極壯

謂景清瑞

伏枕涕常漣

謂

襁褓泥沙重

芭孫

番園酒肉壇空

囊聞愈涸

謂史瑞

清

玉鏡報重圓

景方續娶

問卜諧秦鳳

芭孫招

魂喚杜鵑畫眉奩盞潤

清瑞

披髮寺棺遷婚曲翻伊箏

芭孫

銘旌照渭川鶯花中歲好

謂景瑞

清

霜雪一冬纏

謂史

鵬鶚盤空健

芭孫

麒麟野臥卷悲欣致相左

清瑞

出處計仍懸書判唐科奏

芭孫

賢良漢格填素冠彈未

得

史以丁憂不赴鄉試

彩袖染應鮮料識西寧轡

訓景山西寧赴順天

鄉試

芭孫

應知北首遄盛名看入洛

清瑞

奇骨早歸燕爲

想龍文筆

芭孫

奚當雁足傳豹鵬殊隱見

清瑞

光采謝

珉璫異地睽商榷

芭孫

吾人老槩鉛浪游傷蘄屈

清瑞

賭句迭蟬絲斷夢醒斜月

芭孫

孤懷亂夕煙百年誰捷

足

清瑞

二子夙齊肩爾我同攜屨

芭孫

江山付扣舷金

焦埋霧影

清瑞

洮陝隔星躔僂俛乘時志

芭孫

嗚呼失

路賢因聲寄珍重

清瑞

努力和長箋

芭孫

芷生領鄉薦第一送其北上四首

掄元亦是尋常事陶董銖量陋不堪無意得之翻痛快
榜前壓服大江南

君才校馬未能過天路高寒隔絳河一語贈行三反復
立朝須怕受恩多

中訣喧談中者誰飛騰由命豈人爲卽看江上峰青句
豈是錢郎自作詩

詹匠

芷生所作詞名

詞成了夙因填詞雖好未宜頻都將布帽

彈箏事讓我無聊落魄人

芷生題予所著瑤想詞有布帽彈箏極可憐之句

銀河篇

銀河耿耿懸秋夕雲錦雙梭自成匹青鸞白鳳故參差

腸斷潘郎傷逝詩詩成潘鬢傷遲暮閒來更作閒居賦
覆水瓶空事莫尋斷紋琴在人何處處處芙蓉語未通
幾番霜葉墮溝紅秋蝶夢殘鐙幌裏曉鶯啼煞畫樓東
樓東城北樹交華隔霧籠烟一帶斜梳子香濃風旋折
合昏枝暝雨仍加風風雨雨常愁絕續愛追懼怕重說
紈扇無緣得聚頭絲絲宛轉翻成結誰道無緣別有緣
玉臺人月又重圓始知溫嶠重婚日猶及班昭待字年
待字芳年蕙草春可憐詞賦早知聞繡榻有書皆疊絮
鏡奩無帖不裝芸芸牕絮閣深窈窕讀畫彈碁總能了
小詩宜宋亦宜唐細楷臨歐不臨趙臨歐臨趙未全工

已有人呼女侍中北征賦得江山助海氣孤城

墨琴過天津有寒風摧落日海氣撼孤城之句

句子流傳無近遠何人不擬東

牀選選婿今生夙世因媒勞空復致殷勤殷勤恰便心

相阻不願侯家願梁廡崔盧門第總高華嚼雪含冰帶

絨吐繡絨吐盡掩銅扉自寫清心上錦機好花無意隨

流水輕絮多情欲上衣衣上好風吹不已月華孤浸心

如水江南雜樹亂鶯飛明駢整頓還鄉里鄉里歸來蟋

蟀鳴銀牀依舊獨吹笙花花葉葉論當對拓落王家有

一生王生貧病愁盈把壇坫東南推健者宮體能教裙

屐傳餘辭頗許公卿假公卿未暇惜才難霄漢聲華一

第艱懷刺人中空作達賜袍天上不禁寒寒深那有微
波託委禽卻得邀深諾早晚纏紅上酒缸不用門前射
屏雀屏雀交翔映綺疏洞房繚繞結青廬雙華燭照閒
情賦百和香熏博議書香殘燭燼人間世感舊憐新兩
橫涕重擷秋蔬薦殯宮傷心徐淑

予前娶徐氏

焚詩祭

附
題詞

長洲
李繩勉百

天合絃膠遇賞音妝樓月照對彈琴駕機肯漫分緋
素還費秋蔬一片心

謝篇末語

長洲
彭紹升允初

寂寞繩牀風雨摧天然錦段倚雲裁桃花真個憐才

子劉阮何曾發解來

吳江趙基
開仲

雪後孤山萬樹梅芳心又見發春蓓牙籤斑管紅牕裏一樣苦吟兩秀才

長洲張邦弼
青城

早聞青鳥語殷勤銜出蓬萊一段雲要與文簫爭慧業豫裁新樣織迴文

九轉鑪中五色霞劉綱夫婦總仙家詩成寶篋同珍護數襯春風及第花

寶山李保泰
甯生

震澤文章自昔年過江人物數翩翩珠璣百斛隨風
灑準與黃姑作聘錢

青浦 胡鼎衡 壽岳

絕代才華任爾狂銀河喚鵲只尋常新詩便是天機
錦傳遍人間字字香

吳縣 石韞玉 執如

琉璃硯匣珊瑚筆春色淋漓十指尖從此碧桃詩社
裏又添佳句入香奩

長洲 沈清瑞 芷生

分付鴛鴦擎繡帶丁寧翡翠護紗牕若非天意憐才

李美玉明珠那得雙

問姓會題黃絹碑呼名應按紫瓊徽才人例有神仙眷天上人間劉武威

金匱 徐 嵩 鏡唐

我在明河西畔回

癸卯春予客臨洮臨洮在大河之西故漢影東指

等閒秋

去又春來眼中牛女佳期近分取銀箋詠玉臺

逸少風流我羨之春天爲譜繫紅詞他時乞我簪花格小字眞珠寫色絲

長洲

尤維熊 祖望

妙奪何郎明月篇行間字裏意蟬聯漫將懽喜償離

恨雄劍孤飛已十年

念佛歸空事偶然三生石上善因緣不妨小結繁華
夢釧影花香護靜禪

吳縣

詹應甲

鱗飛

葑水迢迢接斗楂鵲橋秋渡五雲車西風一夜鍼樓
月開滿人間吉慶花

淋漓跌宕有王郎吟到奩臺字亦香分我七襄機上
巧畫屏銀燭賦催妝

華亭

王

鼎

調三

靈鵲無煩早結緣歸期緩緩待春妍白榆青桂看應

憤別賦翻堦紅藥篇

鐵夫方應
召試

補和汪明之先生

元亮

九日讀陶因而自序之作

二十韻

淪落居然在升沉聽所如插萸過九日餐菊感三閭斯
道將何底吾生保太初千時奇效寡得句薄愁祛節物
重陽負聲名壯歲虛庇今慳夏屋稽古儉冬儲宿德誰
如爾精篇肯示余傾辭倒河漢老筆扶夔魑集韻丁兼
李增文許得徐明之方撰韻書以宋丁度李淑
所詳定集韻爲主而又益廣之形相差
可竝予與明之
皆短軀藝擅不留餘義奧層層闢經夢縷縷梳
辛勤辨跟肘芳臭別椿樗玉筯紛垂薤金釵剝斷苴養

高居有相憑健出無與恠喻莊生馬禪參佛印豬君能
觀海嶽我欲詠汾沮讀賦存調語鈔書乏小胥情苗留
雪護學莽撥煙鋤努力良辰愛驚心急景除終當問奇
字言就子雲居

傳紅戲作四首

織縑織素漫分量鳴鶴東西自一廂讀畫彈碁看總好
只愁天壤笑王郎

十年流水抱孤桐尅羽停商一樣工解作人間斷腸句

他鄉秋盡雁聲中

墨琴
舊句

珊瑚筆格玉蟾蜍勤仿簪花午繡餘好與藝林增故事

鐵夫題句墨琴書

填河靈鵲報新期
準辦妝奩未許遲
一物不消將得到
只須多載畫書詩

淵雅堂編年詩彙卷三

淵雅堂編年詩彙卷四

長洲王芑孫念豐

甲辰

上

聖駕六巡江浙恭紀詩

謹序

天篤我

國家右我

聖人既聖且壽

聖人康之惟敬惟誠惟夙夜寅念

祖宗恢鴻厥緒以庥賜萬世於是乾隆四十九年河防

海塘以次告功

皇上俞江浙督臣之請六巡於南苙厥成勞亦以應江浙士民望幸之忱也既啓

鑾紆道

闕里躬升盟薦巍巍肅肅上儀炳作天下幸甚幽明
歡喜臣竊惟必義畫卦黃帝定律皆始一以至於
六匹之爲十二演之爲六十四迭乘再倍錯綜其
數極之無算而元會運世之統在焉蓋成於六者
又始於六也六者備德也德不備不可以爲美一
者誠也元德也惟誠不貳故不息

皇上躬乾元之德膺受大備得一以貞用六而始繼自

今時乘六龍以敷錫福於庶民哀時之對報答

天

祖於萬斯年如日方山猗與休哉蓋非尋常算數之所
能紀矣詩有之曰豈弟君子來遊來歌惟茲東南
士庶願望深矣易有之曰君子以教思無窮容保
民無疆卽我

皇上省方觀民設教之盛心所欲與吏民相見詎有涯

旣乎哉

微臣

躬則膠庠蒙

國家教養之澤甚深甚厚曩者獻詩

行在蒙

恩召試與乎文綺之

賜感激榮幸莫可名言今茲匍伏道旁得親望

穆穆之光踴躍蹈舞有不能已竊依古四言撰作千四

百字指事載實具紀

聖天子六巡之盛謹拜首稽首以獻其辭曰

闕逢建歲孟陬之月朔日維亥越丁酉吉

帝于南巡宣告中外

叶

鴻儀六舉鑠哉瑰喬執

天之行紹

仁皇烈天苞地符丕應紉霽

彤闥曉開勾陳簿列攀星挂旗寒雲奉敝駕龍十二琴
麗郅偁千官景從萬靈翊衛

叶

帝厘民依春

祈典察上幸嘉薦禮成廼發穆惟

皇帝敬詣魯

闕惟先後

聖道揆協壹肸鬻金絲鎗洋葆份收收茂對通之宥密
云壇岱觀次舉咸秩非伊禪封

庥佑是答諸所宜行

敕下如制

叶

旣歡東人惠此吳越先是有司宣

制有曰朕惟河海無疆其恤汎候非時庸坊毋忽乃者
黃流閒歲或決陶莊高堰增繕告訖杭嘉之民濱是澥
渤牙牙地執萬濤春齧斬薪負土恐恐萬一忽然之間
不暇嗟咄既更以石捍患倉卒亘數百里縣紆碑碣曩
者五巡累勤親閱誕念

前勞遞增七八

仁皇

憲皇綢繆至悉朕敢不承而費是計叶朕敢不覆而不
親莅三載以來諸役嗣畢吏酌民言望幸綦切於戲民
懷抑又能忍掌舍別宮視舊爲率他諸供頓度支判撥

罔或封靡封靡朕聖大吏膽黃

天章昭揭士民頌慶街巷談說旦夕歡嚮以迓

清蹕伏惟

皇帝福轅祥萃

叶

化承

祖治道與

天幹化成道久龐洪垓北四十九年度輦滋華

叶

唯敬

唯誠孜孜汲汲揆我

大文煥乎彪蔚

叶

聖文五百義軒奧秘

叶

御詩三萬南薰奉律羣書進

覽丹臺釐別館局儒臣汗僊寤訓

敷言示極或俞或咈唯諾千聖爲世先覺奮我

皇武九有有截兩川遭誅膏我斧鉞伊犁回部入我筭
撻蒙古王公分茅授節託在肺腑篤忠親暱朝鮮世臣
賜之璽紱朔藩諸汗斂關請乞游牧衣糧賴我生活濛
汜我池崑崙我埵一尉一候罄天包括

大孝備矣

橋山展謁

四駕于東合歡芬苾金匏奏嘉玉盥陳潔

編詩

著賦以麗萬世川所寶惟賢

知人則哲職官定考釐正予奪

天譴譴民病瘵惻怛相協厥居與天陰騭

幾暇濡毫志雨志雪遐壤偏災疏

聞以駟蠲漕蠲賦累萬萬鎰既作梓廛湯湯環澈虞膠

周序敦進儒術四庫鐫華簿錄甲乙副之名山飮士快

讀叶文宗三閣相望瓊傑曲樓功藏龍岡樹碣儀考新

流安瀾循轍探源星宿板松是達前席使臣歸自天窟

凡斯

盛舉章炳綸縉事鉅功閎陰陽卽雪幽明獻期蜚英騰

實省方展義禮不可訕至德要道非云黼黻抑而弗施
神人望觐天保報嘉惟民之質懿茲

六巡恩周誼洽

聖敬日躋所其無逸天地鬼神恭謹職位

叶

扶績效能

赴我昌備

叶

海塘言言河隄屹屹支祈偃蹇伏就徽繼

柴鑲土餞計周不拔天吳海若捫之戶闔彈壓蛟鼉保

又江浙自我

天覆無有災疾於皇

時巡賅舉本末

輦路所經歲征普豁商艦賈舳道旁香爇鏘鏘譽髦

殿前給札騶虞在御蒐軍簡卒引對羣僚廉升曠黜銀
帛道頒捧拜耄耄兒子酬嬉番番黃髮開口仰稱無量
壽佛弟子置員廣厲特設平讞叙勞信賞薄罰無美不
殫靡隱不徹甘雨隨

車優是畛啜春風在

旂對時育物川情嶽秘躍就

天筆舜歌禹篆盤龍抱霓

珠庭日角有睟霽悅道勝故腴德充彌茂

叶

過化存神

滂施洋溢自我

天覆安恬寧謐寢仁饋義飲食飢渴有粟盈缶有酒在

室冬寒有裘絮夏有葛牛羊在澤雞棲于桀長養兒孫
女機男塿孔邇

父母瞻雲夢結有加無已我顧我復叶康衢華封意誠
辭拙懿茲

六巡澤神哉沛叶非私于南

皇祖是述覲

祖之光丕

天之伐純亦不已爲

天配匹自今伊始

鴻章繼作叶時邁之

勲與天地際^叶

壽民

壽世恢無垠埒兩旦於天再中者日

皇帝有道萬有千歲

^{叶小臣}

作詩慚惶撫掇金泥玉檢

以待籙頌

送陳受之

^{毓咸}

會試北行

受之無端由年輩入恩貢忽然爲舉人翹首望丹鳳久
養略許搔爲快亦已痛廿年遭斥棄一旦被吹送試思
此因緣何者是挽控平心覲化紐無乃皆偶中一提偶
之言萬事雪消凍揣摩固無功營競詎有用知君老無

敵不復可誘弄坦坦利鈍間以示後生重雖然標梅人
綃帳積春夢君之長安道善爲諸君諷容成御萬女造
父擎八鞶當其得意時要在心不動

袁惕三

璉

求作五言古詩爲贈率爾應之

惕三古畸人寄身屠沽中早年從舉場意氣蟠心胸讀
書破生產躑躅空章縫幡然惜身世擇術審去從打頭
一間屋野店吳城東常常廢書起雜作在保傭販脂豈
云賤鬻畚志則同貴賤視所爲詎以市道蒙久之大積
聚穰穰困倉豐惕三一不有斥與族屬通延師教羣從
夕諷鐙窗紅還聞築場圃託業兼士農籃輿子弟荷給

役敏且恭分湖一村聚風德皆雍雍乃知始所爲匪獨
爲抹窮田宅聊自污消耗初心雄官非卜式貴策無計
然工重操故時技低首待至公懷哉蟋蟀詩良士敦初
終伊予久拓落貧病成疎慵何當句餘智令我囊底充
索詩慚負負作草仍匆匆

題蔣八季和

惠華

柑酒聽鶯圖

今年騎馬石頭城攜酒看花一月行雨橋喚渡家家柳
晴館催詩樹樹鶯鶯喚春深燕啄泥柳花吹雪亂沾衣
新潮三尺歌三疊送我金門下第歸歸來四壁憐生事
三逕仙人送書至雙柑斗酒寫新圖布襪青鞵自高寄

寄圖索句殷勤道謂我題詩頗能好豈知已似送春鶯
風前舌澀圓喉老嗟君挺挺佳公子第八才名最清綺
諸蔣科名歲接聯瑤琴孤抱惜嬋娟嬋娟一曲碧雲低
心事如花掃地飛舊夢銀鞍三輔北新詩紅硯百華西
季和居西百華卷詩闌夢醒足徜徉卷軸雲煙引興長聽鸛有
興何須戴寓蝶無心本是莊莊生齊物未能齊挈榼提
壺命小奚自踏濃陰過曲岸又吟殘月向斜隄多將曲
裏絲絲思付與林閒恰恰啼

何子勵

遠昌

招同鄭顧唐三茂才納涼瑞光寺越

宿而歸用杜工部遊何將軍山林十首韻兼呈明

府丈 世珩

不道何公子來居四百橋
蝸廬雖寄迹鶴意自凌霄
選勝攜儔去追涼遣騎招
城南足幽討跋馬未辭遙

苦雨幾時歇招涼此地清
夢回晨帳蝶啼老夏窗鶯留
客餐紅麪呼奴治玉羹更尋蓮社約鄰寺晚經行

勝集皆廚顧高談合許支
日銜靈鷲塔雲靜白龜池

寺有

白龜聽經池

慧業千華墮雄心一劔知
前緣共香火肝膽佛

邊披

可惜神明宰攜琴罷種花
天邊失鵬鶚胷次鬱龍蛇
宦

橐松陵積歸心蜀道賒興
酣猶步履同到法王家

明府知吳

江縣呈
議去官

酒榼雙攜至茶瓜一席開
風頭捎碧柳雨腳過黃梅
歸客抽帆住清賓謝幕來
鄉音三地別嘉會感岑苔

明府父子

蜀人鄭顧
唐皆浙人

髯也

謂鄭四茂才

真豪健當杯論酒泉
顧瑛詩絕好唐勒賦

纏絲失路嗟純璧
依人戀聘錢茲遊殊邂逅
人物亦斜

川

霞外耽奇賞風前領妙香
世情歸熱鬧吾輩住清涼
澡雪凡心換慈雲覺海藏
良時那容易城堞暮煙蒼

心香蘭浹洽身事燕差池
難得偕攜屐何妨倒接羅
追

陪況君子期許各男兒桐葉石闌下詩情點筆隨

豹隱終窺霧鵬搏自接雲君才能好學吾賤敢論文讀
畫朝簾捲攤書夜漏分願言同所尚敦素掃塵紛

信宿寧嫌數招攜幸幾何炎涼無定在風雨夜來多拓

落青雲客徘徊白雪歌還當邀瘦沈乘暇日相過

是日遲並

生不至

立秋日偶成四首

卽日憐生事飄然身世浮螢棲半牆雨桐響一窗秋耿
介尊吾道風華避俊流蹉跎三十歲天地一輕鷗

有命忘窮達非才果謬迷四從鄉試役兩對制科題闕

清江雜錄卷四
健當秋蟀心孤失旦雞諸公殊衮衮翹首五雲低
興盡嫌浮譽塗窮奉至誠英雄惟有骨仙佛總無聲河
嶽蟠空大星辰照地生置身高絕處萬古羽毛輕
枯柏千年幹鷗鵬萬里心風搏一蹭蹬雪壓遂侵尋碌
碌柯邊弈寥寥海上琴簞瓢亦何厭原憲日長吟

病中雜感八首

身賤幽憂積時衰瘧鬼侵暗蟲悲急景孤燭照長吟道
妙從微會文心屢變深飢寒吾分定扶樹愧知音

暑夕披裘坐青春倚杖歌三星懸玉樹八月賦銀河秦

贅憐新鏡蘇盤感舊梭男兒好心事婚宦尙蹉跎
時將續娶

枯桑風外轉涼雨竹閒深物意爭榮悴秋聲無古今邱
園藏佛路鸞鶴抱仙心飯鉢蕭然地孤雲託暮陰

回鵲何遺孽西陲歲不安似聞侵狄道前此撼臯蘭餽
餉三邊集旌旄六月寒大軍恭

廟略褒鄂又登壇

時海侯福男帥禁兵出
勦逆回回五於甘肅

弟有從軍志君侯必請行飛騰過健鶻談笑踏長鯨口

北風霜緊江南芡稻成從公早歸馬安穩報而兄

仲弟從昭

信伯李公奉堯於馬蘭峪公兄侍堯以陝督罷事而賊未卽誅恐公遂請行而挈弟與偕未可知也

景史

善長

平生舊音書莫記存好抒經國計同弔戰

場魂幽歲民多暴平時吏亦尊螳撐嗟小醜公相在旗

門時大學士
阿公視師

交契慚子負人情到我真何生遠切推解詹子應甲卹孤

貧道義彭宣篤允初先生詩篇趙嘏親開仲報恩空有淚終恐

墮風塵

忽作長安笑依人事遠遊空拳思實獲熱地保清修臺
恐黃金峻歌誰白雪酬此行登岱頂煙點看齊州

淵雅堂編年詩藁卷四

淵雅堂編年詩藁卷五

長洲王芭孫念豐

甲辰下

出門三首

出門各有爲此行極無名家門久荒墜辛苦亦早更操
觚二十載生計非所營讀書量難滿求舉術未精區區
抱微尙徒得狷介聲狷介誠所安寧免餒在耕生男不
得力難爲父母情吁嗟不可說仰視天宇青浮雲西北
徂奄忽就長征艱虞苟存活無或忝所生

有弟羸且賢飢走在道塗新婚僅一月放意南北驅可

憐閨中婦食宿依老姑上堂別阿母詞拙屢囁嚅苦心
爲好言壯歲不可虛此行當見弟逆旅歡有餘母言慎
寒暖整頓褰與襦因兄復念弟淚落如連珠弟婦時在
旁脈脈念其夫欲言無可寄自恨不解書但雜弟妹間
加餐語含餉對之不敢應應卽聲淚俱

妻孥亦人有而我俯仰慚故雌不可作新婦莊且閒剪
燈共几案豪硯雜釧環絃詩更讀畫春風曉吹鬟結縢
纔幾日黽勉同辛艱治裝賣奩具闕軼十二三悽悽悲
故人買葬無青山遺棺置空屋三年涕潄浹默默謝新
人食貧百閒關扶持倚昏媾慘慘低我顏

留別諸友

寡諧亦何病吾友金石交
佻佻小時輩見憚莫敢撓
老蒼漸衰謝同臭札與僑
論文主秦漢談詩到風騷
賤疏互抉剔碑版爭爬搔
譽吾以作者商榷雜裏嘲
我病致藥物我寒送我袍
我文不自惜收拾爲我鈔
吁嗟陰雨心居然激頑澆
中間道義人翹心證參寥
私心愧其言實感陳義高
念我將遠行江湖壯秋濤
惻惻三四人送我城之濠
昏燈照煙水樹腳繫一舸
流離去親故何以申久要
詞章不足恃榮進不可徼
用世自有真微榮興徒豪
立言固有體攻文氣徒囂
人間一衰相腦後衝風

飄妙明闢空劫韓杜如牛毛莊嚴啓華藏彭聃若草天
丈夫有學力終當制天杓瑣屑文墨間何異鼃黽跳所
嗟神聖徂儒林日彫蕭無妨出孤特相與縱扶搖日月
不可弄駕言起鳴鑣佛力遍塵刹聖功始秋毫佛儒誠
異轍心性乃同條各從所願學勿受造化牢此非就恬
退此願大雄驍此法極真實此詣非元超維摩但一點
穿破元命苞衆妙會孤覺空山自箭韶忽然風雲會奉
以答所遭不然滄江臥彈壓鼉與蛟此心苟不隔絕域
如同寮此義苟不墜萬古如一朝

江口守風

風斷朝來渡江流空際聲首塗驚歲晚失意見生平
戊火明樓細山雲擁樹平沙鷗兼塞雁飄泊伴長征

僑淮雜述

有序

仲冬三日抵淮陰運河凍合不可行舍舟登陸作
度歲計予夫婦共掃一樓居之述事書懷不勝拉
雜寄示南中戚好

去年今日暨陽城望海君山雪乍晴今年此日淮陰路
攜家竟傍黃河住黃河清淺照人襟燕借雕梁鶴借陰
移將海島千秋思領畧河流萬古音今調誰相屬
獨抱危絃理殘曲此曲溫存寓意長此情無奈轉蒼涼

寒華落盡豪端夢曉現消餘履上霜身賤家貧雙墮淚
溫情涼思百迴腸迴腸卻作長安笑軒眉直上長安道
鬢畚何心擇便宜賃春無據還長嘯可憐懷抱不須論
落拓聊爲齊贅髡道路尋常談士節飢寒今日受人恩
各致金錢煩舊好多慚玉潤託新婚新婚一月催征早
整頓裝囊劇草草浪傳徐悱壻劉家翻教魯直依莘老
慈母縫衣小妹啼鄉關回首心如擣回首鄉關半夜鐘
蕭蕭黃葉打征篷夫椒山下懷文種鐵甕城邊弔呂蒙
五日報寒三日暖半程愁雨一程風程程風雨嗟飄忽
峭帆已卸揚州月月落江空起暮潮虛聞騎鶴聽吹簫

接船打鼓翩然去守凍來停胯下橋橋頭濁浪走年年
訪古長吟淮水篇黃塵白草西風夕燈火樓臺朔雪天
何甥謝舅仍分榻陸弟周郎共一船船窗清話又樓窗
夜櫟沉沉吠豹尤紅硯更排臨帖案銀奩低護讀書幃
書幃帖案暫棲遲掃地焚香又一時萊婦鴻妻偕讀畫
邢姨蔣妹總能詩墨琴有妹硯史亦頗能詩煎茶說餅銷鄉夢燒燭
繙經遣客思客思鄉夢兩淒迷滿目驚沙斷鴈飛追電
騏驎寧一蹶避風蝴蝶尙雙棲淮上從來寄寓多才華
終古若流波枚臯宅畔重題句漂母墳前且放歌

慈雲寺

淮北慈雲寺巍然壓亂流魚龍爭絕域丹碧架飛樓古
佛存威力名僧熟應酬淨儀猶可學不厭數來游

清江度臘示新婦作二首

兩月淮南住蕭然感歲華冬心沿岸草春夢隔江花蘆
雪侵沙步廚煙滿帳紗故鄉梅信好雙坐話思家
書篋停中路妝樓寄水垞銀紈同試墨紅燭伴繡經新
月依奩鏡雙星入畫屏不因偕德耀寧免賦飄零

弔花行

有序

牡丹出溫窖中者花盡輒天頃於淮南見一枝流
入錢賈家慨其華茂傷年又歸非所湫隘卑墮羈

孤可念作詩弔之時乾隆甲辰歲除日也

京師花窖法南來魏紫姚黃犯臘開餉成探春都詫絕
寧知紅凍向塵埃容顏不異遭逢異卻有一株鹽麝
未怨蕭條作雪天轉慚孤負催花使催花宛轉得花神
酌冷斟暄水火勻圍暖鏡屏多作態避寒珠翠不勝春
停霜佇雪賞鮮妍絕代容華盡此年繡榻絳燒龍尾燭
紗窗綠染誰鑪煙橘後梅前脈脈愁早知濃艷不常留
謝莊衛玠皆青鬢霍玉楊環肯白頭感君隔歲殷勤視
不惜纏綿爲君死邨教落寞市寰中還禁棄擲風沙裏
風沙棄擲何須問盛名竟與芳華殉已斷三春風露緣

并無十日屏幃分回首驚心歲月乖飄零何處訴陳荃
不如剪綵無根蒂猶傍隋宮上玉階日暮天寒可奈何
爲君腸斷爲君歌文姬出塞羈孤甚王粲登樓感慨多
荏苒隨人歲又闌淮南有客解征鞍塗窮賸得英雄淚
除夕燒燈哭牡丹

乙巳

新正三日汪子恬上舍

皓

邀過其家小飲有作

淮南三日雪滿街淮南倦客心徘徊故人汪生惠存顧
踏冰相招遣興赴深談剪盡西窗燭更送梅花伴清宿
邀得賓朋共散珠呼來子弟都如玉別遠逢稀感喟臻

華堂翼日重開尊蘇黃結契兼莘老

外舅曹公在坐

孔李通家

又紀羣

是日見尊甫恪齋中翰丈并識令子茂才春熙

飲醇不在壺中醕肝膽

輪囷足相與恰便窮塗見性情各追舊事嗟風雨憶昔

逢君在暨陽君才騰達我鏘翔尙書筆墨爭虞褚諸子

聲名盡馬揚彈冠引袂依霄漢並肘聯肩騁豪翰銀鐙

鈴閣坐從容沈詩任筆相璀璨縹帙裝成奏進篇姓名

都到五雲邊

庚子之役劉石菴先生選進江南江北舊能詩之士十九人予與子恬皆在其間

遊一天門玃紫裘白馬紛追從鵬鵬羽翮忽垂風蓬

萊樓閣空飛夢往夢如煙逝水東杏花惆悵幾番紅一

第功名難縛虎百年心事送飛鴻可憐零落如殘奕東

西上下成懸隔君懷白璧歎陳人我墮黃塵作孤客孤
客逢春易感春泥塗相慰轉相親春花秋月能常見江
北江南復幾人及時努力從歡譁中年無奈傷哀樂酒
酣娛客更多情水爆筒花相和作縛紙搏泥幻影俄天
華湧現曼陀羅星橋火樹歆騰出珠霧銀膏灑落多臨
風一笑高歌起聲華烜赫皆如此當杯不飲欲何爲門
外雪深風刮耳

新年再過慈雲

幽憂身老大飄泊歲崢嶸勝託依香界朝光爛佛薨禪
林無世臘梵唄亦春聲何日真機息歸空踐夙盟

小游仙詩八首

有序

淮之步蓋有斗姥宮云宮渺然處積水中橋以通
之橋凡八九曲磬折而入有精舍旛鈴無語非妙
俠侍庭中二丁香一紅梅一白梅作華妹甚其旁
亭榭皆束版以載而架之水中埽石甃焉入其中
者以爲地而不知皆水也循闌吟眺適然作鸞鳳
之音飄然有惆悵纏綿之思亦不知何也獨其句
法似古所謂遊仙詩因以命題而志其所繇作如
此

宛宛虹梁宛宛愁天風吹我紫霞裘銀河自抱瑤壇瀉

不渡人間一髮秋

虛皇清宴集珠翹
北斗闌干俯絳霄
下界何人吹鐵笛
飛來攪亂紫瓊簫

溫池一勺浸鴻濛
蒸出靈芝榨液濃
昨夜院監真醉了
誤將瑤草飼龔蟲

劉綱夫婦總雙棲
絳樹青藤覆洞低
春到花前新夢好
盡情啼殺玉窗雞

阿姊相邀堯術天
未應長住閬風巔
青鸞白鳳渾無力
繞徧須彌路十千

校罷黃庭拜玉虛
砂牀丹竈伴輕裾
金荃蘭畹銷魂句

化作瑤箱碧字書

曾聞絕調紫雲迴
竟向西方嫁善財
珠樹銀沙無量供
再無消息到蓬萊

風輪吹轉墮長煙
塵土消磨三十年
今日池邊重灑墨
寄將清淚問諸天

花朝志感寄南中故人二首

無事頻留滯風沙
斷客腸雲陰兼地白
河氣入天黃
夜傍竈鼉宿朝看鴻鴈翔
故園春正好花事滿山塘
此夕裁書去山梅夢一窗
相思遺玉珮孤句寫銀釭
健馬空嘶路名花不渡江
諸君有高詠催付鯉魚雙

覺津寺

覺津樓殿倚晴空三面垂楊一面風雲斷不遮疎磬出
春深無奈落花紅佛燈有路光音外僧塔無銘夕照中
器鉢威儀甚齊整借龕何必向天童

官道柳

臨清官道柳采掇有飢婦連年旱魃殺五穀客米千錢
僅一斗有飯柳作蠶無飯柳作糜阿夫河南趁工死歸
食老姑兼哺兒春風飄飄春已深枝葉老硬傷人心

乞米婦

乞米婦形樂樂與錢不肯受乞米聲悲酸兩年水災蕩

廬屋三年旱荒斷食穀生兒四歲良獨苦長食樹皮少
食乳可憐不曾識米味安得香杭洗其胃官今與米歸
作湯不與飽食聊與嘗

通州述懷寄示南中親故四首

報與江南數子知鐵夫六月到京師東河水涸舟行滯
北雁行疎信寄遲齊魯麥荒餘赤地兗沂蠶病斷黃絲
時清漸少悲歌客獨眺燕臺自詠詩

觸暑騎驢入九衢傍誰門戶屢踟躕濺靴泥黑牛涔濫
壓帽塵黃馬糞枯併硬飯酸韋曲店氣麤語大霍家奴
千人未慣依人拙祇覺心情衆裏孤

依人僑寄潞門東
攜偶歌殘廡下鴻
煮粥煎茶呼有婦
據牀敲几罵無僮
欹牆未裱防雄蝎
破炕難燒聚臭蟲
果使成名也堪笑
空煩日者慰塗窮
通州有相者謂
于終當發達
諸君穩把釣魚竿
莫漫聞雞學跨鞍
入洛有聲裘已敝
游梁無味鋏空彈
清班屋貴留賓少
勲第官高拜見難
養拙讀書吾輩事
閉門珍重各加餐

馬蘭帥府雜題十首

有序

昭信伯李公奉堯自福建提督罷爲馬蘭鎮總兵
官以吾弟聽夫偕行至是再閱歲矣予抵通州十
餘日弟來視予且道公相念之雅因以六月十九

日聯騎謁公於鎮所留二十日乃還中間考問邊
風稽尋掌故卽事有作謂之卽府雜題云

飲馬長城窟茲行亦壯游披懷依令弟平揖得君侯詞
賦年來倦飄零氣轉適窮邊古多慨蕭瑟况新秋
九邊皆隘口蘭峪劇岌巖戰迹遺秦漢民風雜薊遼馬
駝通絕域鼙鼓送前朝失算嗟明季監軍半寺刁
土風仍北府火禁嚴

東陵破砦資防堠疎星代戍燈布靴邊校著駟馬塞兒
能與壤饒生產山棉復幾脰

紫塞嚴

神微彤屏仰

禁庭河山爭翊衛風雨颯精靈祭品團龍捧祠官孔雀

翎舊時排戟地今作習儀廳

明戚繼光帥府今爲東陵禮部衙門

守陵封帝子

二十三貝勒

視版命皇孫

十六公

霧結蓂花大雲

披蓍葉繁

諸

蓍皆奉禁

園中能自吼

得小熊輒育之園中俟長大則檻送

京樁外鹿常奔

鹿或佚出紅樁青樁者例當趕入不得打

不必遷豪族方知

原廟尊

玉帳依雲磴

帥府倚山而築

金徽響月牀

李伯善琴

閉門蒼石大侵

牖紫藤長往往論詩暇時時頌酒忙願公勤幹濟努力

答吾

皇

徙坐茅亭上羣山踊乍晴層城半邊雨鱗瓦萬家聲花
不依時發松常破石生老兵供廟祝清磬落空明

到口纔三里離京不四程依山孤築堡無縣自爲城白

麴兼砂煮紅糧帶石耕從軍吾亦樂聊取澗泉清

塞上泉水

甚清

戍旗收夕照笳吹入邊愁石屋多稱撥

一路汎守專房謂之堆撥

卻號樓虎驕猶避熱鷹健不關秋俯覽蒼茫甚誰知近

帝州

塞月高難落關雲冷自飛邊聲生夜析山氣變征衣土

竈烹茶苦官廚拾菌肥班生有奇願投筆未爲非

東陵恭賦五十二韻

傑構清霄上神臯絕塞隅

五陵蟠紫極萬古壓黃圖勢據坤東軸衡懸斗北樞地

形龍負出天樂鳳追趨

陵對面有鳳臺山治景陵時有鳳來集其上山

以是得名衆壑爭環拱羣巒互委輸折旋蘭峪隘拔起霧靈

孤甘井歆寒瀟

相傳方治遠忽有泉自歆成井至今賴以爲用

陵時衆苦取水道金

星獻寶符

金星山爲案

砂泉皆太液曉逕卽亭衢嶽樹

低銅掌江流瀉玉壺併將九垓奉闕作百靈都壯觀差

峩極

昌期日月扶錫光微受籙累葉仰承謨粵若稽

崇德丕惟敬繹敷雲雷蒸草昧品類書昭蘇七恨雄圖
啓中原大氣孚

英雄起髻鬣與嶮入長驅闖獻隨鞭撻黔滇迂鼓桴勒

碑裁內侍開國倚通儒

孝陵

煥矣重華協欽哉

睿慮紆揆文震鋪鐸奮武列貔羆往者苞三葉眞如負
一嵎韜鈴分旦爽旌鉞賜彭盧朔漠勞親駕昆彌竟伏
辜先幾煩

廟算慎舉赫

王誅未築鯨鯢觀旋看魑魅逋勝兵如指臂竄賊失頭

顧華夏烽烟靜

恩威湛露濡

南巡頻駐蹕西藏復彎弧避暑還宵旰觀河屢咈吁風

聲歸白屋霜力殺青蕪業是成康繼功仍版涿訐兩

朝持玉燭舉代就洪鑪

景陵

石紐頽虹下瑤筐繞電

麤壽邱隆

帝妹華渚紀

天妹履武嫺生稷觀刑嬀在虞嗣徽風以正合祔禮無

拘

東陵

昭西陵

孝賢皇后

孝陪葬昭儀侍

妃 皇貴妃貴人常

在答應格

精禪幼海俱

園 太子諸王阿哥

幽庭分縹瓦

格咸在列

園 寢亦相望左右

諸

瓦諸園皆

陵黃藻

莫闕金鋪

非執事不得入龍鳳門

劍易陳元會

衣冠奉鼎湖寢園開窆寔禁錮削崎嶇至孝今

皇稟隆儀古典須考工虔且謹備物穆將愉秘器藏球

訓元堂肅楷模佛樓梁玳瑁

殿後有佛樓

甲觀樹珊瑚蘭栗

全毛血盤松動甲鬚

盤龍松

隨處有之以孝陵七株為最奇

苑春嘶汗

馬簾曉熱蹲鳧虎豹供宮衛虹蜺避殿觚戊辰書祝冊

拜跪唱句臚漢德方全盛周原膺更臆景山詩駿發清

廟頌烏虓展謁懷

光烈銘辭燦刻摹

小臣

瞻望久披豁向菰蘆

黃花山曉發

草樹沉沉黑峰巒泯泯青亂雞啼宿霧孤馬踏殘星
北開天險遼東接地靈中原游未足縛袴到邊庭

園子峪遇雨

絕徑盤雲入中途急雨來朔砂驚作陣巉石亂成堆
道明孤電奔崖走萬雷崎嶇踐昏黑我馬亦堪哀

望霧靈諸山

塞上諸山以霧靈爲最高削地萬仞不可梯登遂絕人迹

五岳所不到霧靈雄此關高應接天關勢欲滿人寰
絕磴藏陰雪夏月有雪長城掛亂山北來龍脈大雲氣盡徧

登四座樓邊牆

揚鞭欲到大荒東莽莽危樓獨眺中陰洞魑魅寒嘯雨

空林猩狒晝啼風天連絕漠常時紫山出長城一半紅
輿險自留

陵邑護可憐唐漢說邊功

馬蘭口

天劃中原盡山隨絕界分壯心懸落日邊氣結孤雲此
地連三輔前朝頓萬軍車書今一統守將總能文

登平山頂

平山望不極山背畫陰陽斷欄穿雲黑長城界樹黃地
懸惟鳥道天盡卽龍荒一眺無中外空煙點點蒼

七夕偕聽夫遊湯山福泉寺賦呈昭信李公

男兒三十迴生愁跨馬來爲塞上遊龍沙雨送邊庭曉
鵲駕雲催客枕秋秋餘殘暑思歸沐征塵未澣征程促
主人娛客示新詩湯泉游句教重讀句裏雲煙發興多
夢中巖岫鬱嵯峨雕鞍攜茗仍雙轡蕭寺尋僧暫一過
寺門翠礪藏山腋古殿朱薨暗丹碧幾疊參差畫幃松
兩行蟠屈禪龕柏入寺先聞泌沸聲伏龍矯首吐清瑩
珍珠連串圓紋細暖玉層闌方鏡平引流曲折從南瀉
尙有觴亭蓋銅瓦小憩嘗茶廢廡間旋來剔蘚殘碑下
殘碑磨滅半無詞勅建依稀貞觀時流傳直到明中葉
鑿石疏泉有葺治中官奉命開琳宇福泉賜號喧鐘鼓

踵役增修戚繼光可知邊將會開府別有遺聞述武皇
微行往往出邊牆華清賜浴生嬌妬長信流紅墨數行
寺有明武宗宮人王氏題句當時朝廟耽安燕恩威倒置風雲變黃
崖不鎖備邊愁金鈿何暇論宮怨可憐陳迹總漂搖始
識名山待

聖朝一自醴泉涵

帝澤到今邊徼作神臯

本朝恭儉承休懿離宮別館無添置

大禮欽聞

聖祖朝上

陵齋宿鑿輿莅游豫仍煩咨政勞五雲長覆佛雲高仙
樓十二鴛爲瓦天路三千鳳叶鑣從容簪筆多文士提
金詞賦諧宮徵澡身浴德近

恩光飲和抱潔依清泚

壁間石刻有康熙中大學士陳廷敬學士沈荃等應制所作

詞賦暄瀾端是出

洪鈞湛露仙槩過化神龍護天池曾浴日獅蹲地脉尙
蒸雲餘波滂澤還依舊靈山仍付伽藍守不似甘泉設
禁呵許將太液供含漱鰕生登眺入蒼茫輦下棲棲感
去鄉幾欲濯纓猶未得滄浪不浴浴溫湯

鮎魚關

山壓孤城斷關臨大漠開列屏高礙日陰壑自生雷古
監魚靈守秋空虎氣來繼光曾轉戰鎖鑰想邊才

昭信惠贈高麗筆墨賦謝

筆用狼毫其管視中土
加長墨兩而有字其陽

日孤竹清風其
陰曰萬古雙節

高麗海東國箕子初開疆今雖屢易主文風冠諸邦王
人往

錫命宴好和且莊卻金使臣體攜歸但文房我公好筆
墨蒐羅到遐荒隄塵凡五笏磨之不聞香煙輕製極薄
略似程君房胡然慕畸行銘字及首陽其毫不縛兔專
用貂與狼毛錐例三寸截竹乃故長具知

皇風洽講治日精良想見成侃輩揮灑句鏗鏘松花綠
石硯繭紙玉版光欲推疇範化追並萋苴章鄙人有墨
癖少小登詞場開口論韓杜大袒而高驤戰藝東南間
頗整鞵與鞅平生一枝筆不異梨花槍元霜幾百斛恣
取供芻糧當時諸公卿愛我身手強豈知罰飲汁毛穎
頭亦蒼流離在道路老大增傍徨區區志求食訪公到
邊方邊方莽蕭索匹馬弔國殤短衣歌慷慨仰視浮雲
黃蒙公飲我酒坐我明月牀索詩已兼旬窘縮愁枯腸
寧惟才氣盡亦抱壯士傷故態不可仍新得旋已亡此
物非急需受賜愧不當雖然公意厚什襲置巾箱常看

孤竹字清風厲無忘固窮見士節餓死眞尋常立身苟
不慎遠人笑其旁

湯泉覓明官人詩碣不得寺僧云已碎於風埋之
土中矣壁間但存題者之作亦題二絕句紀之

華清浴罷掩春愁曾有題紅出御溝今日伽藍留不得
殘僧鋤雨葬銀鈎

武廟荒游劇可懷鑾輿直欲到天涯卻隣過客空腸斷
不弔珠旂弔玉釵

草彭尙書墓碑竟爲書以報允初書所不盡申之
以詩

昌黎昔自詫多銘賢公卿順宗實錄就疎脫叢譏評具
知銘章力史外翻孤行一筆兩筆間顯顯見生平褒貶
義所在微顯法所呈作家似麻栗歐王步嚴程同時奉
鞭弭獨有李與曾可之及明允旁起相攢撐湜觀尹蘇
流傑構皆崢嶸其詞非不逮義法欠熟精津梁南渡後
滴髓歸老亭道園蠟元世歸王跨前明豈無諸鉅子巨
躍一世驚五緯露芒角衆嚙不得爭永叔潁州碑吟口
同一聲字不盈二千金石喧撞鏗溫公碑萬言子瞻力
如鵬張皇極勞苦後世顧不稱足知體要在嫡統無調
停然非繁簡謂又豈輕重并苟其言有物一語如雷霆

苟其言有序萬言任縱橫其義果何居麴蘖木六經其
法復誰問班馬懸規繩班密事周繳馬疎氣驍騰馬之
封禪書筋骨如秋鷹班之地理志掀徒如長鯨其略鷺
一撇其詳雲萬層環中法無法絃外情餘情謂若遺視
聯卻是金剛睛肆隱與曲中大易辭可徵鐵華千年白
石色萬古青乃知馬班任學究不克勝卽如韓歐位才
士不得登衾影質幽獨鬼神答精靈我年十四五頗欲
白矯弊窺瞰左公穀爬挾漢兩京僻搜周秦書繡澀磨
精瑩出入唐宋間鑽嚙如蝨蟻元明數十家捫摸搖心
旌自聞方氏

望溪

說洞然晝畦町然而不敢作疑信兩目

瞠去之爲考訂盤錯力與櫻中爲風華誤航戀成結癥
晉宋齊梁間肴羞折芳馨因而積生厭醇味求太羹梵
夾道藏書披豁得未曾涉獵粗已遍甘苦亦屢更常常
有齟齬默默爲距迎久之如夢寤虛白墮窗櫺然而力
已敝敗鼓不復弼先生放高躅抱道荷天亨立言告千
載舉筆開奧閣我方愧無似乃辱不徑庭證其所已得
誘進加丁寧破除辟支果揮退諸小乘儕我羅高黃年永
間期望良不輕允初與予書曰先公門生遍天下其學
山永年瑞金羅臺山有高今又得自非先生力暗證眞
足下崛起其後乃藝林之大幸也
伶俜乞碑先尙書手札致懇誠吾文安足道握筆心屏

營逝當畢此學感激興會增所嗟根柢薄重以殆悔盈
要從小學入老大苦無恒爲文不識字大笑可絕纓又
嗟飢寒迫依人就長征男兒困塲屋十願九不成遙遙
冀將伯蹇蹇利得朋附書雜華梵寧免遭彈抨

通州九日仲弟聽夫

翼孫

自馬蘭傳季弟約夫

桐

孫訃至哭之以詩四首

九日殊鄉獨望鄉鄉書一拆痛迴腸窮魚掉尾難離涸
孤雁噍毛又斷行千里弟兄同涕淚

謂聽夫

百年身世但

風霜客愁家難雙悽切還恐高堂哭子傷

兩兄皆瘦汝偏强强先亡瘦可傷視病無人親藥裹

買棺累母質衣裳驟撓寒暑皆奔走磨殺精神是試場
誰道文成骨已冷有司猶自刻裁量

弟以府試患喉痧而驟亡府廩猶未

也發

門戶從今孰與持兩兄三十各無兒早親鹽米常操算
少督詩書屢受笞到死曾無新襪履有生何用好文辭
篋中蟲篆猶狼籍他日流傳識者誰

弟刻印之技自八九歲卽篤好之今

十餘年頗能成家

家門搖落似秋林邨更狂飈日夜侵埋骨尙遲澆白酒
嘔心果死未青襟勢無可守吾先出事到難言汝遂喑
餘恨定知無限在靈雲鬼雨結愁陰

酬施蒙泉

源

戲贈之作二首

鐵夫敢道鐵中錚躍冶良非武庫兵
頑自骨來砭不入鈍無鋒在澀難行
唾壺已碎心空壯磨硯將穿句未精
欲向如來求聖鐵願輪常繞岷閣城

落拓同爲席帽郎如君才力果清強
校書籤押鸞雙翥

君嘗以書從事

讀曲箏飛雁一行

君好爲詞

食橄豈無回後

味燒蘭須認髓前香他年報最歸應早還共誅茅隱半塘

附

原作

吳縣

施

源

蒙泉

夫君風骨獨錚錚詎祇羅胷貯五兵
若問工夫須百

鍊卽論文字亦孤行九州聚鑄空成錯萬劫難磨始
是精不妄語聞菩薩戒已知鐵漢勝元城

乃知天壤有王郎頭項雖埋氣自強成佛肯居靈運
後論交曾折李邕行遺書震澤十年讀絕學陽明

辦香

鐵夫爲陽明之學

會見鍼磁投合早麤賓踴躍起方塘

蒙泉戲贈之作皆從賤號鐵夫措意予本其意答
之然予三十初度已更號惕甫頃蒙泉疊韻見酬

復答二首

鐵石相逢

予號鐵夫君亦號石君

例戛錚何堪茗戰又詞兵珪卦

一易心全異

予二十初度自號鐵夫不無樹異貢高之想年來改號惕甫旣以自警卽以自勉

登得同呼體互行作草暗慚秦吉了論詩甘讓野狐精
可憐吾似支離疏青眼看君唱渭城

戶小難勝醉索郎便除詩亦讓君強尹邢並舍還先輩

籍湜同門附末行

今同舍董司農郎第

劇戲銀鐙銷象局

君好博

新

詞團扇舞山香沉吟蘭焰花墩句

暖觀花墩淺燒蘭焰君詞句也

誰度

簫聲過練塘

附鐵夫見和前詩再贈二首仍疊原韻

施源

商聲落帟便鏦錚偶爾驅愁藉酒兵據以槁梧知我
倦蹙然空谷得君行兩家臭味連酥酪一例修持驗

繫精詩句消寒兼贈答致師聊薄五言城

辟雍名字寄齋郎鐵夫方游太學經學紛綸服鄭強東閣朱

雲成小住西秦韞秀與同行尊配曹夫人能詩工楷法聚頭素箠

銀鈎細觸手青編粉印香俗狀藉君聊一浣鷗盟許

證鯨溪塘予與鐵夫皆居鯨溪

再答蒙泉二首

狡獬嚼鐵齒牙錚退得天魔十萬兵學佛難忘壽者相

游仙空賦善哉行風華不礙莊嚴觀咳唾都分沆瀣精

攻媿未能尤悔積憑君一為破疑城

浪宕何曾似漫郎詩愁還較旅愁強眼中瓊樹三千里

謂令子
在家

腕底金釵十二行

君所著有愛靜
居詞中多綺語

名念各隨松

炭冷鄉心同憶菜根香
前游倘記湘中夢
蒼雁寒蘆又滿塘

附

鐵夫來詩述更號歲月捧誦之餘再疊前韻

施源

干莫君才刺不鐸功
因戰勝反韜兵
楞伽千偈從心轉
无咎三爻以字行
欸寫東坡身不住
集顏攻媿詣

尤精

樓鑰中年自號攻
媿卽以名其集

所嗟浪宕如予者
遮眼文書

擁百城

淮海新詩笑女郎
蘇門山谷意差強
參苓入籠皆同

產鸞鵲非儕得綴行麗製衝牙鏘玉佩微吟寸七屑
檀香慙子綺語消難盡但譜銀箏憶藕塘

董司農第中食

賜果口占二首

曉寒欹枕夢江南橙橘酣霜市滿籃誰道蓬萊天路遠
鑿冰時節已傳柑

宛轉依人感歲華寒牕清坐落燈花詩成卽免山家笑
雪滿長安始喫瓜

歲暮懷人絕句二十四首

有序

歲云莫矣擁鑪清坐有懷故人各寄一詩以當柬

問隨筆所之不復次其年輩云

趙開仲

基

深燈孤坐破窗寒天末懷人感歲闌恨煞鳴澗亭下客
竟無一字到長安

彭允初

紹升

傳聞一笠飄然去又道僧衣傍佛居多是六時工課緊
逾年不報論文書

汪大紳

縉

學佛居然古佛形辨才舌底湧蓮青此心無礙身無住

喫筍燒豬入洞庭

大紳年六十髮童然如僧居常好佛而不能不食肉今館於洞庭山

汪明之 元亮

京華誰寄草堂賢
白髮窮經老更癡
破屋數間休悵惘
買春賞雨好題詩

明之謀草堂之資於京師故人無有應者

張青城 邦弼

卜築新城稱意居
硯田豐穫滿籌車
移花頌酒忙難了
肯向窮交報一書

顧西金 禮琥

銀燈含墨共纏綿
往夢銷沉七八年
今日醉翁重話舊
憶君憐我各潸然

每見石菴先生輒及己亥科試時事

李耘圃先生 繩

水仙巷口思耘老老鶴精神健曉秋弟子和南空拜問
更無新句寫銀鉤

先生所居水仙巷子婦墨琴未嫁時嘗以詩質於先生先生極稱賞之

沈芷生

清瑞

沈五翩翩近若何新詞小賦定增多聞君渡浙猶嫌遠
奈我衝風燕市歌

朱文剛

克柔

一度濡豪一憶君硯輒親割歛溪雲更煩煑石鐫新印
玉筯金釵考說文

出門時文剛手琢歛石硯一枚贈行今予更號惕甫又往求文剛刻印

胡壽岳

鼎衡

一年無信今何似果否題詩章貢臺方便臨風報無恙

水經刪注借鈔來

壽岳有水經注刪本予嘗借留彌年欲鈔未果今甚思之

詹鱗飛

應甲

至性常隨結習濃
彈箏歌酒靜從容
繁華夢斷知應悟
聽打坡西半夜鐘

徐鏡唐

嵩

看君騰踏欲何如
鼓努矜張習未除
千里送懷無別話
調心勤讀宋儒書

何子勵

遠昌

少小離鄉不記鄉
攜孥歸去蜀天長
天彭井絡搜奇了
又坐飛車度太行

家條山鼎

不僊不佛不封侯閒向花前白了頭重把當時舊題扇

美人雙漿隔江愁

甲辰閏三月與條山修禊秦淮條山有春寒不上美人衣之句書于扇頭

李留生保泰

贈言繚繞罄生平江畔攜燈送我行今日鐵夫憔悴盡

更無崖岸壓公卿

蔣夢輝棠

蔣侯天骨似飛黃蹭蹬猶然在舉場三徑閒來有新句

何妨寄我一平量

錢立羣

詠

賞音何必定聞絃但有琴心自渺然興到豪巔肯相寄
爲臨尹宙及張遷

君善琴兼工分隸書

任文田

兆麟

譜音識字腹便便忍餓看書過少年何不專心求象數

竟將家學溯先天

尊甫純仁先生精於數學通皇極經世書

汪子恬

皓

贈我梅花要換詩踏燈淮上事堪思相思此夕裁書去
又是梅花放白時

石執如

韞玉

屬我寄書書已達報君無奈雁行稀君詩多少神仙字

化作天邊脈望飛

袁惕三

璉

販脂有獲君宜富賣賦無憑我益窮安得飄然棄筆硯

相隨捕蟹分湖東

君有分湖捕蟹詞甚工

譚辰山

書

書味加深世味銷一官漂泊寄僧寮西方確指循環頌

和雅聲應和海潮

甲辰之秋遺予書求西方確指一書

奎將軍

奎林

年少封侯亦壯哉森森毛髮照雲臺遙知此日天山外

大雪翻營射虎回

將軍以襲封承恩公

邱副將

英略

身隨一劍老風霜
閩嶠歸心日夜長
噉荔知公猶健在

楓亭留約我難償

公與予有噉荔楓亭之約

淵雅堂編年詩藁卷五